## Edwin Muir (1887-1959)

## 3 Ballad of the Flood

"Last night I dreamed a ghastly dream,	
Before the dirl o' day.	
A twining worm cam out the wast,	
Its back was like the slae.	
"It ganted wide as deid men gant,	5
Turned three times on its tail,	
And wapped itsel the warld around	
Till ilka rock did wail.	
"Its belly was blacker than the coal,	
It wapped sae close about,	10
That it brak the hills in pieces sma'	
And shut the heavens out.	
"Repent, repent, my folk, repent,	
Repent and turn around.	
The hills are sinking in the sea,	15
The warld has got a stound."	
The braw lads woke beside their makes	
And drowsy were their een:	
"O I wat this is anither day	
As every day has been.	20
"And we sall joy to-day, my luve,	
Sall dance to harp and horn,	
And I'll devise anither play	
When we walk out the morn.	
"But on the neist high day we twa	25
Through the kirk door maun gae,	
For sair I fear lest we sall brenn	
In living fire alway."	

They looked around on every wa'	
And drowsy were their een.	30
The day rase up aboon the east	
As every day had been.	
But Noah took a plank o' aik,	
Anither o' the pine,	
And bigged a house for a' his folk	35
To sail upon the brine.	
"Gang out, gang out and ca' the beasts,	
Ca' twa o' every kind	
To sail upon this crackling shell	
When a' the hills are blind.	40
"Ca' but, ca' but, and they'll rin fast	
As sune's they hear your voice,	
For they hae heard amang the hills,	
I wat, a boding noise.	
"They cry a' night about the house,	45
And I hae ruth to see	
Sae mony innocent creatures die	
For man's iniquity."	
Noah's sons went out into the fields,	
Ca'd twa o' every kind.	50
They cam frae the east, they cam frae the wast,	
And followed close behind.	
And some wore brighten than the sun	
And some were brighter than the sun, Some blacker than the coal.	
	55
The lark was wiled frae the sky,	55
The serpent frae the hole.	
And they were as meek as blessed sauls	
Assoilzied o' their sin,	
They bowed their heids in thankfulness	
Whenas they entered in.	60
Holido dioj dibolod ili.	30
"Come in, come in, my people a',	

The sea has drunk the plain,
The hills are falling in the flood,
The sun has downward gane."

The rain it rained baith day and night And the wind cam together. The water rase in a lang straight line Frae ae hill to the tither.	65
The Ark span like a cockle shell, Ran east and then ran wast. "Now God us save," auld Noah cried, "The warld is sinking fast."	70
The beasts they hid amang the shaws And loud and sair cried they. They sabbed and maned the leelang night And fought the leelang day,	78
That the creatures in the Ark were sair Astonied at the sound.  They trembled sae they shak the house As it were in a swound.	80
But syne there was nae crying mair Across the dowie sea. "I wat," said Noah, "the warld is sunk Frae plain to hill-top heigh."	
The first day that auld Noah sailed The green trees floated by. The second day that auld Noah sailed He heard a woman's cry.	88
And tables set wi' meats were there, Gowd beakers set wi' wine, And twa lovers in a silken barge A-sailing on the brine.	90

They soomed upon the lanely sea And sad, sad were their een.

"O tak me in thy ship, auld man, And I'll please thee, I ween."	95
"Haud off, haud off," auld Noah cried, "Ye comena in to me! Drown deep, drown deep, ye harlot fause, Ye wadna list to me."	100
She wrang her hands, she kissed her make, She lap into the sea. But Noah turned and laughed fu' loud: "To hell, I wat, gang ye!	
"To hell the haill warld gangs this day, But and my folk sae gude. Sail on, sail on till Ararat Lifts up aboon the flood."	105
The third day that auld Noah sailed There was nae sign ava'. The water rase on every side Like a weel biggéd wa'.	110
The astonied ships upon the sea  Tacked round and round about Till the dragons rising frae the deep  Sucked a' their timbers out.	115
Ane after ane, ane after ane, They sank into the sea, And there was nane left on the earth But the Ark's companie.	120
But every day the dragons came And played the Ark around. They lay upon the faem and sang; It was a luvely sound.	
"Why stand ye at the window, my sons? What hope ye there to see?" "We wad see a gudely ha', faither,	125

Set in the green countrie.

"But we see naught but water, water, We've seen this mony a day,	130
The state of the s	130
And the silly fishes in the faem  That seem around in play."	
That soom around in play."	
"Sail on, sail on," auld Noah cried,	
"Sail on, sail on alway!	
I wat we'll sail about the warld	135
Until the Judgment Day."	
Noah sent a doo far owre the sea,	
It flew into the south.	
It stayed four days and cam again	
Wi' a leaf within its mouth.	140
Noah sent a doo far owre the sea,	
It to the wast is ta'en.	
It tarried late, it tarried lang,	
And cam'na back again.	
C	
"O what's you green hill in the wast	145
Set round wi' mony a tree?"	
"I wat it is Mount Ararat	
New risen frae the sea."	
He's set the Ark for Ararat,	
He's plied her owre the faem,	150
He's lighted down at Ararat,	
And there he's made his hame.	
1925	
(From Collected Poems. London: Faber and Faber	r, 1960)